

ԿԻՒԻԿՅԱՆ ԳԱՍՏՈՆ ԲՆԱԿԱՎԱՅՐԸ

Մ. Հ. ՃԵՎԱԼՅՈՒՅՑԱՆ

Գաստոնը Կիւիկիայի հայկական պետութեան սահմանային ամրացված քնակավայրերից էր, որը երկար ժամանակ կռվախնձոր է հանդիսացել Անտիոքի իշխանութեան, Տաճարական ասպետների և Կիւիկիայի հայկական պետութեան միջև: Միջնադարյան հայ և այլազգի հեղինակների գործերում պահպանվել են որոշ հիշատակութիւններ Գաստոնի անցյալի մասին, սակայն .XX դարի ուսումնասիրողներն արդեն ղեկարանում են որոշել նրա տեղը:

Միջնադարյան Եվրոպացի պատմիչները Գաստոնը տեղադրել են Աղեքսանդրեկից (Իսկենդերունից) Անտիոք տանող ճանապարհի վրա: Անտիոքի իշխանութեան գահակալ Տանկրեդի (1104—1112 թթ.) կենսագրութիւնը գրի առած պատմիչը նշում է, որ Աղեքսանդրեկի ու Գաստոնի միջև ճանապարհն անցնում է ղեկարամատչելի լեռների միջով¹: 'Իս համապատասխանում է Ամանոս լեռների Բաղրասի լեռնանցքին: Խաչակրաց առաջին արշավանքի ժամանակ Գաստոնը գրավել է Տանկրեդի ղխավորած զորախումբը:

Գերմանացի ուղեգիր Վիլլեբրանդը (XIII դար), Անտիոքից Կիւիկիա գնալիս, եղել է նաև Գաստոնում: Նրա ճանապարհորդական հուշերում ասված է, որ Գաստոնը գտնվում էր Անտիոքից շորս մղոն հեռավորութեան վրա, Հայոց լեռների սահմանագծին: Ըստ Վիլլեբրանդի, դա եղել է բավական ամուր բերդ, ունեցել է երեք պարիսպներ ու աշտարակներ և հաջողութեամբ պաշտպանել է երկրի սահմանները: 1211—1212 թթ. Գաստոնը գտնվում էր հայոց թագավոր Լևոն I-ի իշխանութեան ներքո, սակայն Տաճարական ասպետները բաղմիցս վեճի էին բռնվել նրա հետ բնակավայրին տիրելու համար, պահանջելով թագավորից այդ բնակավայրը հանձնել իրենց²:

Արաբ պատմագիր Աբուլ-Ֆեղան, նկարագրելով 1328 թ. ղեկբերը, գրել է. «Նրանք (մամլուկները—Մ. Ճ.) ավերեցին ու կողոպտեցին [հայոց] երկրի այն մասը: Հետո վերադարձան և Բաղրասի կիրճից անցնելով մտան Անտիոքի դաշտը ուղաբ ամսի 21-ին (1298 թ. մայիսի 4-ին)... Համաթի տեր Ալ-Մալիք ալ-Մուղաֆարը ուղղվեց ղեկի Համաթ, հասավ մինչև Կաստուն: Այդ միջոցին Լաչինից հրաման ստացվեց վերստին հավաքել զնդերը Հալեպում և երկրորդ անգամ մտնել Սսի երկիրը: Այս արշավանքին մասնակցեցի ևս անձամբ և ականատես եղա ղեկբերին սկզբից մինչև վերջ»³:

Գեպրեկի վերոհիշյալ նկարագրութիւնից երևում է, որ Գաստոնը գտնվում էր Աղեքսանդրեկից ղեկի Ասորիք տանող Բաղրասի լեռնանցքի արևելյան

¹ Vita Tancredi, 144. «Montes qui medij Alexandriolam Guastonumque oppidulam dirimunt, conscendit», տե՛ս Ղ. Ալիշան, Սիսուան, Վենետիկ, 1885, էջ 427, ծան. 3:

² Willebrand, Itinéraire: տե՛ս նաև Raoul de Cean, liv. XLV և Albert d'Aix, iv. XII, ch. 20.

³ Տե՛ս Ղ. Նալբանդյան, Արաբական աղբյուրները Հայաստանի և հարևան երկրների մասին, Երևան, 1965, էջ 240:

ծայրամասից այն կողմ, Անտիոքի զաշտի եզրում, Բաղրաս բերդից քիչ հեռու, Աղեքսանդրիկից Անտիոք տանող ճանապարհի վրա:

Անտիոքից մինչև Գաստոն հեռավորությունը 25 կիլոմետր է, որը մոտավորապես հավասար է 3,5 գերմանական մղոնի⁴: Վիլլեբրանդի, Աբուլ-Ֆեդայի և Տանկրեդի կենսագրության հեղինակի նկարագրություններից պարզվում է, որ Գաստոնի տեղը համապատասխանում է արդի Բեկրազ գյուղի Բաղրաս բարավանսարային կամ Բաղրաս խան կոչվող ավերված բարավանստանը:

Ըստ երևույթին Գաստոնը սկզբնապես եղել է հյուրանոց, իջևանատուն կամ պանդոկ. նրա անունը ծագում է գերմաներեն Gasthof բառից, որը նշանակում է հյուրանոց, պանդոկ: Մինչև օրս էլ այդ իմաստը պահպանվել է «Բաղրաս խան» կամ «Բաղրաս բարավանսարայ» անվան մեջ:

Միջնադարյան գրավոր աղբյուրներում Գաստոնը հիշվում է նաև Գաստոն (Gastoun), Գաստիմ (Gastim), Գաստ (Gast) և «Castellum de Gastum» անուններով:

XII—XIII դդ. այդ բնակավայրը հյուրանոց էր և մաքսատուն: Սրա եկամուտները մեծ գումարների էին հասնում: Լինելով Ասորիքից Կիլիկիա, Խսկենդերունի ծոցը և Եփրատի հովիտը տանող տարանցիկ ճանապարհների հանգույցում, Գաստոնը կարևոր նշանակություն էր ստացել այդ ճանապարհների վերակառուցման և առևտրականների ու աշխարհակալների համար: Տաճարական ասպետները և հայերը այստեղ ապահովում էին բարավանսների անվտանգությունը. նրանք բավարար պայմաններ էին ստեղծել ճամփորդների հանգստի համար: Գաստոնում կային շուկա և խանութներ (Tuguria nostra de Gastim)⁵. Սահմանակից երկրների վաճառականները մշտապես այցելում էին այստեղի շուկան: Գանձված մաքսը և տուրքը հասնում էր Գաստոնի տեր իշխաններին կամ արքունի դանձարանին:

Գաստոնը ունեցել է ուղղանկյուն բառանկյուն հատակադիծ և զրավել է ընդարձակ տարածություն: Նրա հյուսիսային պարսպի կողքով ու Բեկրազ Քյուփրյուսյու փոքր կամուրջի տակով հոսում է մի գետակ, որը թափվում է Ամրկ լիճը: Միջին դարերում այս գետակը կոչվում էր «Աղբիւրն Գաստոնի»: Գետակի վրա եղել է քարե հին մի փոքր կամուրջ, որը մինչև այսօր մնացել է անվնաս: Այն ունի երեք բայլ լայնություն մեկ ցածր կամար: Կործանված բարավանստանից այժմ մնացել են միայն կիսափուլ պատերը: Արդի Բեկրազ գյուղի ծայրամասի առաջին տները կառուցված են հենց բարավանստան ավերակների դիմաց գտնվող հարթության վրա:

Գաստոնը հիմնված էր տափարակ գետնի վրա և ոչ թե քարաբլրի գագաթին, ինչպես գրում են մի քանի ուսումնասիրողներ՝ Բեկրազ գյուղի մյուս ծայրին գտնվող Բաղրասի բերդը շփոթելով Գաստոնի հետ: Բաղրասի բերդը գտնվում է նույն գյուղի արևմտյան ծայրին՝ մի քարաբլրի գագաթին, իսկ Գաստոնը գյուղի արևելյան մասում է: Դրանք միմյանցից հեռու են հինգ կիլոմետր: Պարտեզների, բանջարանոցների ու արտերի մեջ ցրված Բեկրազ գյուղի տների տեղում, նախկինում գտնվում էր Բաղրաս քաղաքը, որը տարածվում էր Բաղրասի բերդից դեպի Ամրկի դաշտը երկարող մի նեղ հովտի մեջ:

⁴ 1 գերմանական մղոնը հավասար է 7,42 կմ:

⁵ S. b. u. Դ. Ա. ի. շ. ա. ն., նշվ. աշխ., էջ 496:

Բեկրադ գյուղում, ինչպես և շրջակայքում, լեռների լանջերին կան աղբյուրներ, որոնց ջուրը Լրկաթե խողովակներով բերվում է գյուղ: Վաղ ժամանակներից սկսած Բաղրաս բերդի և Գաստոնի շուրջը Լոկ ևն պարտեզներ, արտեր ու բանջարանոցներ, որոնք ոռոգվում էին գետակի ջրով⁶: Արաբ աշխարհագետ Իբն Բատուտան հիշատակում է այդ պարտեզներն ու արտերը:

1206 թ. Անտիոք մայրաքաղաքը գրաված Լեոն I թագավորի պարզեվատրումների թվում հիշվում են նաև «Աղբիւրն Գաստոնի» և նրա շրջակա կալվածները, որոնք նվիրվում են Անտիոքի Ս. Պողոս վանքին, իսկ Գաստոնը տրվում է Տաճարական ասպետներին⁷:

Կիլիկիայի հայկական պետության մաքսատները (բաժտուն) գտնվում էին Կոռիկոսում, Կուկլակի կիրճում, Լաուղատում, Կապանում, Պորտելլայում (Portella), Բիլերկայում, Այասում և այլ սահմանամերձ վայրերում: Մաքսատուն է Լոկ նաև Գաստոնում⁸:

Վիլլերբանդը և մի քանի այլ հետալոտողներ սխալմամբ Գաստոնը նույնացրել են Բաղրաս բերդի և Գաստոնի ու Բաղրաս բերդի միջև գտնվող Բաղրաս քաղաքի⁹ հետ: Հիմք ընդունելով Դիսոյի¹⁰ և Վան Բերշեմի¹¹ աշխատությունները, Ռ. Գրուսեն ևս Գաստոնը նույնացրել է Բաղրաս բերդի հետ, գրելով

„Bagras = le château de Gastoun ou Gaston des croniqueurs“¹²: Գաստոնը և Բաղրաս բերդը նույնացրել է նաև Հ. Բ. Նալբանդյանը, Աբուլ-Ֆեղայի «Ժամանակագրության» ծանոթագրության մեջ գրելով հետևյալը. «Գաստոնը ծանոթ է առավելապես Բաղրաս անվամբ: Նկարագրված է որպես սարի ծայրին, բարձր դիրքով կառուցված զովարամատչելի բերդ: Սանուտոն անվանում է Bagaras: Կոչվում է նաև «Դուռն Անտիոքայ» ու Բաղրաս»¹³: Նկարագրության մեջ բերված տեղեկությունները վերաբերում են Բաղրասին, իսկ Գաստոնը գտնվում է հարթ վայրում: Ռ. Գրուսեն գրում է, թե էյուբյան Սալահեդդին սուլթանը այդ ամրոցը Տաճարական ասպետներից գրավել է 1188 թ. սեպտեմբերի 26-ին, իսկ հայերը Բաղրասը գրավել են 1191 թվականին¹⁴:

Ըստ միջնադարյան ժամանակագիր Իմադ ալ-Դինի հաղորդած տեղեկության, Անտիոքի իշխանությունը ունեցել է Լրեք հզոր բերդեր: Ռ. Գրուսեն Բաղրաս բերդը Գաստոնի հետ նույնացնելով ստեղծում է այն սխալ կարծիքը, թե Գաստոնը Անտիոքի իշխանության հզորագույն Լրեք բերդերից մեկն էր¹⁵:

⁶ Տե՛ս նույն տեղում, էջ 455, 497:

⁷ Նույն տեղում, էջ 497:

⁸ V. Langlois, Le trésor des chartes d'Arménie ou cartulaire de la chancellerie Royale des Roupeniens. Venise, 1863, էջ 95:

⁹ Հ. Նալբանդյան, նշվ. աշխ., էջ 38: Ցակուտ ալ-Համադի, Քիթաբ Մուշամ ալ-Բուրդան, էջ 693:

¹⁰ Dissaud, Topographie, էջ 333—334:

¹¹ Van Berchem, Sur l'identification Baghras-Gaston, JA, 1902, 1, 434:

¹² R. Grousset, Hist. des Croisades et du Royaume Franc..., Paris, 1935, t. II, էջ 146, 334, 568, 828, 831:

¹³ Հ. Նալբանդյան, նշվ. աշխ., էջ 279, ծան. 94:

¹⁴ R. Grousset, նշվ. աշխ., էջ 831:

¹⁵ Նույն տեղում, էջ 826:

Գաստոնի ու Բաղրասի նույնը շինելու մասին ակնհայտ փաստ է 1193 թ. պատահած մի դեպք, որ արձանագրել են բազմաթիվ միջնադարյան ժամանակագիրներ:

Անտիոքի Բուհեմունդ III (1163—1201 թթ.) մեծ իշխանը մտադրվել էր խաբեություններ ձեռնարկել պարոն Լեոնին և Ռուբինյան իշխանությունից հողային խոշոր տիրույթներ կորցնել: Սակայն Սիբիլ (Sybille of Burzey) իշխանուհին իր ամուսնու մտադրության մասին լուր է ուղարկում Լեոնին: Անտիոքի մեծ իշխանը հայոց պարոնին հրավիրում է Անտիոք՝ զվարճության ու կերուխումի: Վերջինս ընդունում է հրավերը և իր հերթին, Մեծ իշխանին, իշխանուհուն, գունդստաբլ Ռաուլ դը-Մոնսին, մարաջախտ Բարթուղիմեին, քարտուղար Օլիվիեին և մյուսներին հրավիրում է սահմանային Գաստոն բնակավայրը: Բուհեմունդ III-ը և իշխանուհին մեծաթիվ ուղեկիցներով գալիս են Գաստոն, որը պարոն Լեոնի կարգադրությամբ պաշարված էր հայ ռազմիկների կողմից: Սկզբում նրանք Գաստոնի աղբյուրի մոտ հայոց պարոնի և նրա մերձավորների հետ ուրախ ժամանակ են անցկացնում: Տեսնելով անտիոքցիների բազմությունը, Լեոնը խոհեմաբար մեծ իշխանին առաջարկում է զվարճությունները շարունակել Բաղրասի բերդում: Վերջինս ընդունում է առաջարկը և բոլորը միասին տեղափոխվում են մոտակա Բաղրասի բերդը, որտեղ հայ ռազմիկները կալանավորում են անտիոքցիներին: Այս դեպքերի նկարագրությունից պարզ երևում է, որ Գաստոնը և Բաղրասը նույնական չեն:

Գաստոնը ուրիշ բերդի հետ շփոթում է նաև Հ. Մ. Հովհաննեսյանը¹⁶:

1142 թ. Բյուզանդիայի Հովհաննես Կոմնենոս կայսրը մեծ բանակով շարժվում է Կիլիկիայից հարավ-արևելք և հասնում Եղեսիայի Թլպաշար բերդը, որտեղից ուղղվում է Քիլիս, Կիրհուս, Դարպասկ, Զիսր Մուրադ փաշա և Գաստոնի կողմը¹⁷: Կայսրը Անտիոքի Ռեմունդ (Ռամոնդ) իշխանից հնազանդություն է պահանջում, բայց մերժում ստանալուց հետո սեպտեմբերի 13-ին ավերում է Գաստոնի շրջակայքն ու վերադառնում¹⁸: Դրանից հետո Բյուզանդիայի և Անտիոքի իշխանության միջև կնքվում է դաշնակցություն ընդդեմ Ռուբինյան իշխանության: Անտիոքի իշխանության տիրույթներում ծառայող Տաճարական ասպետների ու Թորոս II-ի միջև վեճեր էին գնում սահմանային Գաստոն ու Բաղրաս ամրոցների համար: 1155 թ. դրանք հանգում են պատերազմի, որի բեմ է դառնում Աղեքսանյորեկը¹⁹: Ըստ Միքայել Ասորու ասորերեն բնագրի և Գիյոմ դը Տիրի ժամանակագրության, հաղթանակը տարել էր Ռեմոն դը Շատիյոնը, իսկ Միքայել Ասորու ժամանակագրության հայերեն թարգմանությունում առավելությունը տրվել է Թորոս II-ին:

Երկու կողմերի միջև շուտով հաստատվում է խաղաղություն, և Թորոս II-ը Անտիոքի իշխանությանն ու Տաճարական ասպետներին է թողնում Ասորիքի սահմանների մոտ եղած ամրոցներն ու տիրույթները²⁰, որոնց թվում նաև Գաստոնը:

¹⁶ Հ. Հովհաննեսյան, Հայաստանի բերդերը, «Բազմավեպ», 1960, № 738, էջ 181—182:

¹⁷ R. Grousset, նշվ. աշխ., էջ 146:

¹⁸ Ղ. Ալիշան, նշվ. աշխ., էջ 428:

¹⁹ Իմա՝ Իսկենդերուն նավահանգիստ-քաղաք:

²⁰ R. Grousset, նշվ. աշխ., էջ 334:

Ինուբինյան պարոն Մլեհը 1171 թ. գրավում է Գաստոնը, որը Թուրեն II-ի գերի ընկնելուց հետո անցնում է Անտիոքի իշխանությանը (1185 թ.) և հանձնվում Տաճարական ասպետներին: 1188 թ. էյուբյան Սալահէդդինի Ասորիքում կատարած հաղթարշավի ընթացքում Անտիոքի իշխանությունից կորզված բերգերի թվում հիշատակվում են նաև Սամայն Կապանը, Սարայը, Գարպսակը, Բաղրասն ու Գաստոնը (26 սեպտ. 1188 թ.)²¹:

1191 թ. պարոն Լևոնի թուլյութությունը Ֆուլք իշխանը²² եզրափակում է Գաստոնը և Բաղրասը: Կիլիկիայի հայկական պետության սահմանների մեջ մտցված հիշյալ տիրույթները տրվում են Ֆուլք իշխանին²³:

Գաստոնի և Բաղրասի՝ հայոց ձեռքն անցնելու հանգամանքը անհանգրստացրել էր Տաճարական ասպետներին ու Անտիոքի մեծ իշխանին: Նրանք պարոն Լևոնից պահանջում էին իրենց տալ Գաստոնը՝ պատճառաբանելով, թե այն ժամանակին իրենց է պատկանել: Վեճերին խառնվում է նաև Հռոմի Բնակեցություն III պապը: Լևոն I-ին ուղարկած նամակում նա խնդրում է Գաստոնը տալ Տաճարական ասպետներին (1199—1201 թթ.)²⁴: Լևոն I-ը անդրդվելի է մնում Պապի ու լատին ասպետների խնդրանքների նկատմամբ: 1201 թ. Բոհեմոնդ III-ի մահանալուց հետո նրա որդին՝ Բոհեմոնդ IV-ը բռնազրավում է Անտիոքի իշխանության գահը: Սրվում են երկու պետությունների հարաբերությունները: 1203 թ. Լևոն I-ը Կիլիկիայից վտարում է բոլոր լատին ասպետներին, համարելով նրանց հավատարմության մեջ թերացողներ ու դավադիրներ: 1205 թ. նա գրավում է Անտիոք մայրաքաղաքը, սակայն երեք օրից հետո բաշվում է այնտեղից, որովհետև լուր էր ստացվել, որ Հալևպի ամիրան Բոհեմոնդ IV-ի դիմումով հարձակվելու է հայերի վրա: Հաշտություն է կայանում Բոհեմոնդ IV-ի կողմն անցած Տաճարական ասպետների ու Լևոն I թագավորի միջև: 1206 թ. հայկական բանակը երկրորդ անգամ գրավում է Անտիոքը: Գործերի հաջող կլբից հետո Լևոն I-ը Տաճարական ասպետներին նվիրում է Գաստոնը, իսկ Անտիոքի Ս. Պողոս վանքին՝ Գաստոնի ազդրուրը:

Գաստոնին ու Բաղրասին տիրող հայերը երկար տարիներ սահմանային այդ տիրույթների պաշտպանության գործը հանձնում էին Տաճարական ասպետներին կամ առանձին սահմանապահ բերդակալների, որոնք ենթարկվում էին մեծ իշխանին կամ ուղղակի թագավորին՝ Գաստոնից ձեռք բերված շահույթի մի մասը վճարելով իբրև տուրք: Գաստոնը, Բաղրասը և առհասարակ մյուս տիրույթները լատին իշխաններին կամ ասպետներին իբր ավատ տրվում էին պետության նկատմամբ իրենց ցուցաբերած և ցուցաբերելիք ծառայությունների և հավատարմության դիմաց: Նրանց պարտականությունն էր պաշտպանել սահմանները և մասնակցել պատերազմական գործողություն-

²¹ Նույն տեղում, էջ 828—831: Տե՛ս նաև Գրիգոր Տղայի «Ողբ Երուսաղէմի» պոեմի 2115—2172 տողերը (Գրիգոր Տղա, Բանաստեղծություններ և պոեմներ, աշխատասիրությունը՝ Ա. Շ. Մնացականյանի, Երևան, 1972, էջ 310):

²² Ֆուլք իշխանը ազգակցական կապերով կապված էր Ռուբինյանների տան հետ. նրա մայրը Լևոն I թագավորի հորաքույրն էր:

²³ Ղ. Ալիշան, նշվ. աշխ., էջ 428:

²⁴ V. Langlois, Essai historique et critique sur la constitution sociale et politique de l'Arménie, 1860, էջ 24, № 34 և էջ 72, Տե՛ս նաև Lettres d'Innocent III (Ed. Baluze). liv. II, էջ 504 և հետո:

ներին: Մառաշտի թերացման կամ անհավասարմության դեպքում, թագավորի կարգադրությամբ, նրանք պրկվում էին ավատից: Նման ավատներ ստացած իշխանները փաստորեն մեծ իշխանների գործակալները կամ վարձակալներն էին:

Կիլիկիայի հայկական պետության վարչակարգում թագավորից հետո երկրորդ անձնավորություն հանդիսացող «մեծ իշխաններից» լեոն I-ի ազգական Սիր Ատանը, իբրև սեփականություն, ցմահ պահպանել էր Գաստոնը և Բաղրասը: Այս երկու կառույցները պատկանել են Սիր Ատանին մինչև նրա սպանությունը (1221), որը երևում է բազմաթիվ վավերագրերից: Այսպես, 1198 թվականի հունվարի 6-ին լեոն I-ի թագադրության հանդիսավոր արարողությանը ներկաների ցուցակում առաջին տեղը տրված է «Իշխանն Պաղրսայ Ատանին»²⁵: 1207, 1210, 1214 և 1218 թթ.²⁶ լեոն I-ի կողմից Հիվանդանոցի (Hospitaliers) ասպետներին տրված պարգևագրերը վավերացնող իշխանների թվում հիշատակվող Սիր Ատանը (Adam de Gastum) նշված է որպես Գաստիմի (Gastim) կամ Գաստոնի (Guastone) տեր և սինիջալ²⁷: 1219—1221 թթ. Կիլիկիայի հայկական պետության երեք պայլերից մեկն էր Սիր Ատան (Sir Adam de Gastim)²⁸ մեծ իշխանը:

Անտիոքի Բոհեմունդ IV իշխանի ու լեոն I-ի միջև Ռուբեն-Ռեմունդի գահակալական հաջորդության խնդրի պատճառով շարունակվում են վեճերը և պատերազմները: 1212 թ. լեոն I-ը էլ ավելի սաստկացնում է պատերազմը Բոհեմունդ IV-ի դեմ, որի պատճառով Հռոմի պապը բանադրանքի է ենթարկում հայոց թագավորին: Այդ արարքը հակառակ արդյունք է տալիս, և հայկական բանակը Տաճարական ասպետներից ետ է վերցնում Գաստոնը և երրորդ անգամ մտնում Անտիոք (1213 թ.): Այս անգամ Անտիոքը ավարի է տրվում: Հանգամանքներից ելնելով, պապը վերցնում է լեոն I-ի նկատմամբ զրկած բանադրանքը: լեոնի և Տաճարական ասպետների միջև հաստատվում է հաշտություն և հայոց թագավորը նրանց է վերադարձնում Գաստոնը: Դրանից հետո Տաճարական ասպետները մինչև 1268 թ. դա պահում են իրենց ձեռքում:

1236 թ. Հալեպի սուլթանի հորեղբայր Թուրանշահը անհաջող հարձակում կատարեց Կիլիկիայի հայկական պետության սահմանապահ Բաղրաս բերդի վրա, որը պաշտպանում էին Տաճարական ասպետները:

Աբուլ-Ֆեդան գրում է, որ Հիջրի 666 թ. (22 սեպտ. 1267—9 սեպտ. 1268) մայիսի 27-ին մամլուկ սուլթան Բայբարսը Անտիոքը գրավելուց հետո զավթում է նաև հայերին պատկանող և Տաճարական ասպետների կողմից պաշտպանվող Բաղրասի բերդը: Գաստոնը, լինելով Բաղրասի բերդին մերձակա մի կառույց, միշտ բախտակից է եղել նրան:

Դրանից հետո ևս, հայերի ու եգիպտացիների միջև բազմաթիվ կռիվներ են մղվում Բաղրասին ու Գաստոնին տիրելու համար: Չեռքից ձեռք անցնող Գաստոնը կռիվների պատճառով կործանվում ու լքվում է:

²⁵ «Սմբատ Սպարապետի Տարեգիրք», Վենետիկ, 1956, էջ 209:

²⁶ V. Langlois, Le trésor des chartes d'Arménie ou cartulaire..., էջ 45, թան. 3, էջ 131, 116, 123, 125, 126, 134, 136:

²⁷ նույն տեղում, էջ 45, 116, 134, 136:

²⁸ նույն տեղում, էջ 50:

КИЛИКИЙСКИЙ НАСЕЛЕННЫЙ ПУНКТ ГАСТОН

М. А. ДЖЕВАНРДЖЯН

(Резюме)

В статье исследуются сведения о местоположении и роли пограничного населенного пункта Гастон Киликийского армянского государства, сохранившиеся в трудах современных хронистов и путешественников. В частности, выясняются обстоятельства борьбы Киликийского армянского государства за удержание Гастона и соседней крепости Баграс.